



## Mkate wa Uzima kwa

### Wenye Njaa

**A**ulaye mwili wangu na kuinywa damu yangu hukaa ndani yangu, nami Andani yake.—Yohana 6:56.

Bwana amefanya kila uwezekano ili kwamba Mwokozi aliyeinuliwa aweze kufunuliwa kwa wenye dhambi. Ijapokuwa ni wafu kwa sababu ya makosa na dhambi, sharti usikivu wao uamshwe kwa kuhubiriwa kwa Yesu Yule aliyesulubiwa....

Thamani ya kafara ya milele iliyohitajiwa kwa ajili ya ukombozi wetu inafunua ukweli kwamba dhambi ni uovu mkubwa mno. Mungu angeweza kufutulia mbali doa hili baya sana lililotokea kwenye uumbaji Wake kwa kumfagilia mbali mwovu kutoka katika uso wa dunia. Lakini Yeye "Aliupenda sana ulimwengu, hata akamtoa Mwanawe pekee, ili kila mtu amwaminiye asipotee, bali awe na Uzima wa milele" (Yohana 3:16). Kwa nini wale wote wanaokiri kumpenda Mungu wasitafute kuwaelimisha jirani zao na washirika wao, ili wasije wakaendelea kupuuza wokovu huu mkuu? ...

Yesu yu aweza, yu hiari, na anatafmani, kuwaokoa wote wamjiao Yeye! Zungumza na watu walio shakani na wasaidie kumtazama Yesu juu msalabani, akifa ili kufanya iwezekane Kwake kusamehe. Zungumza na wenye dhambi moyo wako mwenyewe unapokuwa umejawa na upendo tulivu na huruma ya Yesu. Hebu kuwe na bidii ya kina; lakini sio sauti kali na ya juu itakayosikiwa kutoka kwake ambaye anajaribu kuongoa roho ili itazame na kuishi. Kwanza iweke nafsi yako wakfu kwa Mungu. Unapomtazama Mtetezi wetu mbinguni, hebu moyo wako na upondwepondwe. Kisha, ulainishwe na kutiishwa, ndipo utakapoweza kumwendea mwenye dhambi atubuye kama mmoja ambaye anatambua nguvu ya upendo uokoao. Omba na watu hawa, kwa imani ukiwaleta chini ya msalaba; beba fikra zao juu pamoja na zako, na ukaze jicho la imani pale unapomtazama, Yesu Mbeba Dhambi. Wasaidie kuangalia mbali na nafsi zao zenye unyonge na dhambi na kumwona Mwokozi, kisha ushindi utakuwa umepatikana. Wanamwona wao wenyewe Mwana-Kondoo wa Mungu aichukuaye dhambi ya ulimwengu. Wanamwona Aliye Njaa, Kweli na Uzima. Jua la Haki lilitoa miale yake angavu hata moyoni. Wimbi imara la upendo uokoao huimwagia nafsi iliyokaukiwa na yenye kiu, na kisha mwenye dhambi anaokolewa na Yesu Kristo.

Yesu aliyesulubiwa—zungumza juu Yake, mwombe Yeye, imba habari Zake, kisha ataivunja na kuiokoa mioyo. Hii ni nguvu ya hekima ya Mungu ili kukusanya roho kwa ajili ya Yesu.... Upendo wa Mungu wenye Huruma ndani ya mioyo ya watenda kazi Wake utatambuliwa na wale ambao wanawafanyia kazi. Roho zina kiu ya maji ya Uzima. Hebu na msiwe vyombo vitupu. Ikiwa utaonesha upendo wa Yesu kwao, unaweza ukawaongoza wenye njaa na wenye kiu kwa Yesu na kisha atawapatia mkate wa uzima na maji ya wokovu (Testimonies For The Church 6:66, 67).